



Broj: 01-49-471/19-5
Datum: 24.7.2019. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-49-471/19-3 od 24.7.2019. godine, načelnik Općine Travnik, **d o n o s i**

R J E Š E N J E

o izboru najpovoljnijeg ponuđača

- (1) Najpovoljnija ponuda za javnu nabavku robe: „Nabavka i isporuka mašina za rad i ostale opreme za poljoprivredu“ sa podjelom na tri lota, je ponuda ponuđača „NERMARIS“ d.o.o. Gračanica, sa ponuđenom cijenom za LOT III - Nabavka, isporuka i montaža plastenika sa dodatnom opremom, u iznosu od 16.150,00 KM bez uračunatog PDV-a.
- (2) Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik – stručni saradnik za javne nabavke, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumentata ne smije biti nakon datuma podnošenja ponude. Prijedlog ugovora o nabavci dostavit će se na potpis gore izabranom ponuđaču po protoku roka od 10 dana od dana kada su ponuđači obaviješteni o izboru najpovoljnije ponude.
- (3) Za izvršenje ovog Rješenja i praćenje realizacije ugovora zadužuje se Služba za razvoj, privredu i vanprivredu
- (4) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (5) Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke robe: „Nabavka i isporuka mašina za rad i ostale opreme za poljoprivredu“ sa podjelom na tri lota pokrenut je Rješenjem o pokretanju postupka javne nabavke broj: 01-44-471/19 od 17.6.2019. godine. Javna nabavka provedena je putem otvorenog postupka javne nabavke. Procijenjena vrijednost javne nabavke bez uračunatog PDV-a iznosi 70.084,00 KM, što predstavlja zbir procijenjene vrijednosti robe iz 3 lota. Procijenjena vrijednost nabavke robe iz lota III iznosi 15.384,00 KM. Postupak je objavljen u Informativnom sistemu „E-nabavke“ Agencije za javne nabavke BiH – broj obavještenja: 54-1-1-80-3-41/19 od 25.6.2019. godine i u „Službenom glasniku“ broj 44/19.

Rok za dostavljanje ponuda u skladu sa tenderskom dokumentacijom bio je 16.7.2019. godine.

Komisija za javnu nabavku imenovana je Rješenjem broj: 01-34-16-112/19 od 29.1.2019. godine te je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda u sjedištu ugovornog organa. Javnom otvaranju ponuda nisu prisustvovali ovlašteni predstavnici ponuđača. Dostavljanje kopija Zapisnika o otvaranju ponuda izvršeno je u zakonskom roku prema svim učesnicima u postupku nabavke.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i

internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele 3 (tri) ponude;
- Da su blagovremeno zaprimljene 3 (tri) ponude,
- Da su ponude ponuđača: „ITC“ d.o.o. Zenica, Opšta zadruga „Bios“ p.o. Visoko i „NERMARIS“ d.o.o. Gračanica prihvatljive

Obzirom na to da je ugovorni organ u tenderskoj dokumentaciji i Obavještenju o nabavci predvidio primjenu e - aukcije, u skladu sa članom 4. stav (2) Pravilnika, e – aukcija za LOT III je održana dana 22.7.2019. godine sa početkom u 09,00 sati i predviđenim početnim trajanjem od 10 minuta Izvještaj o toku i završetku e – aukcije dostaviće se u prilogu ovog Rješenja.

- LOT III - Nabavka, isporuka i montaža plastenika sa dodatnom opremom

NAZIV PONUĐAČA	Početna cijena ponude u KM	Cijena ponude nakon e – aukcije u KM	Postotak umanjenja	RANG
„NERMARIS“ D.O.O.	16.150,00	16.150,00	0,00 %	1
„ITC“ D.O.O. ZENICA	16.324,80	16.324,80	0,00 %	2
Iopšta poljoprivredna proizvodno prometno uslužna zadruga BIOS p.o. Visoko	16.500,00	16.500,00	0,00 %	3

Komisija za ovu javnu nabavku je uputila službi pokretaču nabavke dopis broj 01-49-471/19 od 22.7.2019. godine te zatražila mišljenje po pitanju obezbjeđenja dodatnih sredstava a kako bi dala preporuku za zaključenje ugovora ili poništenje postupka. Naime, Komisija je konstatovala da su ponude ponuđača za LOT 3 prihvatljive, da nije bilo podnošenja novih ponuda nakon aukcije, ali i da cijena prvorangirane ponude premašuje procijenjenu vrijednost. Služba za razvoj, privredu i vanprivredu je aktom broj: 09-05-14-42-153/19 od 23.7.2019. godine dostavila Komisiji informaciju da je u budžetu Općine moguće obezbijediti dodatna sredstva za prekoračenje procijenjene vrijednosti, te je u vezi s tim komisija nastavila sa radom.

Komisija za ovu javnu nabavku, dostavila je dana 24.7.2019. godine općinskom načelniku Zapisnik o radu Komisije i ocjeni ponuda koji je ujedno i Izvještaj o radu Komisije broj: 01-49-471/19-3 sa preporukom o izboru najpovoljnijeg ponuđača za predmetnu javnu nabavku.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke robe: „Nabavka i isporuka mašina za rad i ostale opreme za poljoprivredu“ sa podjelom na tri lota, donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za nabavku robe iz lota III određuje ponuda ponuđača „NERMARIS“ D.O.O. GRAČANICA, te da se u skladu sa Članom 69. Stav (1) alineja pod a) i Članom 70. Stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem za navedeni lot.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Ugovorni organ će dostaviti prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima
2. Arhiva.



N A Č E L N I K

Admir Hadžiemrić, dipl. ecc.



IZVJEŠTAJ O TOKU I ZAVRŠETKU E-AUKCIJE

Broj postupka: 54-1-1-80/19
Broj lota: 3
Status e-Aukcije: Završena
Datum i vrijeme zakazivanja e-Aukcije: 17.7.2019. 13:06:53
Naziv ugovornog organa koji je objavio obavještenje: OPĆINA TRAVNIK
IDB/JIB ugovornog organa koji je objavio obavještenje: 4236179780001
Vrsta postupka: Otvoreni postupak
Kriterij za dodjelu ugovora: Najniža cijena
Naziv predmeta ugovora: Nabavka i isporuka mašina za rad i ostale opreme za poljoprivredu
Preferencijalni faktor: 5%
Datum i vrijeme kreiranja izvještaja: 22.7.2019. 9:24:06

POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI

R.br.	Naziv ponuđača	IDB/JIB	Početna cijena u KM bez PDV-a	Rang
1	NERMARIS D.O.O.	4210173960009	16150,00 *	1
2	ITC ZENICA D.O.O.	4218146790003	16324,80 *	2
3	OPŠTA POLJOPRIVREDNO PROIZVODNO PROMETNO USLUŽNA ZADRUGA BIOS P.O.VISOKO	4218401220003	16500,00 *	3

* Označava cijenu na koju se primjenjuje preferencijalni tretman

TOK E-AUKCIJE

Period trajanja e-Aukcije

Početak: 22.7.2019. 9:00:00
Završetak: 22.7.2019. 9:10:00

Minimalna razlika podnesene cijene: 15,34
Maksimalna razlika podnesene cijene: 1534,25

R.br.	Naziv ponuđača	IDB/JIB	Datum i vrijeme podnošenja nove cijene	Cijena u KM bez PDV-a
Nije bilo podnošenja ponuda.				

KONAČNA RANG LISTA PONUĐAČA KOJI SU UČESTVOVALI U E-AUKCIJI

R.br.	Naziv ponuđača	IDB/JIB	Konačna cijena u KM bez PDV-a	Rang
1	NERMARIS D.O.O.	4210173960009	16150,00 *	1
2	ITC ZENICA D.O.O.	4218146790003	16324,80 *	2
3	OPŠTA POLJOPRIVREDNO PROIZVODNO PROMETNO USLUŽNA ZADRUGA BIOS P.O.VISOKO	4218401220003	16500,00 *	3

* Označava cijenu na koju se primjenjuje preferencijalni tretman